



Plaun Lom, pauc sur la staziun da muntogna Triel, ei in liug ideal per ina messa alpestra.

MAD

Pleiv Lumnezia miez a Triel

■ (anr/abc) **Il**s parochians da Degen, Vella e Vignogn han da pi decennis ina stretga collaboraziun, els han decidu il 2014 da fusiunar. Pér igl onn vargau ei la pleiv nova Lumnezia miez seconstituida ord in'ulteriura fusiun cun Morissen. Dumengia ein tuts s'entupai per l'emprema gada ad ina messa alpestra.

Per sur *Peter Aregger*, che pastorescha la pleiv Lumnezia miez, eis ei stau ina biala sorpresa conta gliעד che ha dau suatientscha agl invit. Varga 200 persunas ein vengnidas dumengia vargada si Plaun Lom per assister alla messa sut tschiel aviart. Tedlond la gliעד

han ins udiu biars resuns fetg positivs, la gronda pluralitad ha gudiu la cuminonza. All'occurrenza sur il lag d'ennevar a Plaun Lom ha sur Peter saviu beneventar famiglias cun affons, attempai cun confamiliars, giuvens, pèrs e singuls. Da quei liug idillic sut igl uaul da Vella han ins biala vosta encunter la Cadeina dil Signina, Pèz Aul e Pèz Regina. La messa ha il chor Vocalis Lumnezia embel-liu culla «Missa Secunda» da Hans Leo Hassler. Suentar han ils presents gudiu il gentar che la pleiv ha offeriu generusamein.

Dumengia da splendor si Plaun Lom

Sentupada dalla pleiv Lumnezia miez sper il lag

■ (anr/abc) Las previsiuns dall'aura ein stadas bunas ed han garantiu in gi senza urezis. Ils parochians dalla pleiv Lumnezia miez han passentau ina biala dumengia sper il lag si Plaun Lom sur Triel. Ei seigi stau l'emprema gada ch'ins hagi decidiu da porscher ina messa alpestra cun sentupada sut tschiel aviert. Ins hagi buca propi saviu conta glied che suondi igl invit, perquei seigi ei stau detg grev da planisar: Quei ha il president dalla vischnaunca da pleiv Lumnezia miez, Marco Sgier, confirmau all'anr. Las parochianas ed ils parochians da Degen, Vella e Vignogn han dapi decennis ina stretga collaboraziun, els han decidiu ils 2014 da fusiunar. Pér igl onn vargau ei la pleiv nova seconstituída ord in'ulteriura fusiun cun Morissen. Per sur Peter Aregger, che pastorescha la pleiv Lumnezia miez, eis ei stau ina biala sorpresa conta glied che ha dau suatientscha agl invit. Varga 200 personas ein vegnidas dumengia vargada si Plaun Lom per assister alla messa sut tschiel aviert.

Il «priedi sil cuolm»

Tedlond la glied han ins udiu biars resuns fetg positivs, la gronda pluralitad ha gudiu la cuminonza. All'occurrenza sur il lag d'ennevar a Plaun Lom ha sur Peter saviu beneventar famiglias cun affons, attempai cun confamiliars, giuvens, pèrs e singuls. Da quei liug idillic sut igl uaul da Vella han ins biala vesta encunter la Cadeina dil Signina, Péz Aul e Péz Regina. Suenter ils gis bletschs dall'jamna vargada fuvan ils nibels svani sin dumengia e



Duront il survetsch divin sper il lag d'ennevar a Plaun Lom.

MAD

tut che haveva schau ils parisols a casa. La suprastonza dalla pleiv haveva denton planisau mintga detagl ed era buc emblidau ils parisols da sulegl. Lezs ein stai

d'engrau el liug schurmegiau da Plaun Lom, leu scaulda il sulegl numnadamein spert. La messa sut tschiel aviert han negins vehichels e neginas ramurs e caneras

disturbau. En siu priedi ha igl augsegner tematisau il «priedi sil cuolm» da Jesus. Avon ch'el ha legiu igl evangeli ha sur Peter supplicau il pievel da tedlar bein, da

mirar giu sil lag e da guder il grondius panorama. El «priedi sil cuolm» hagi Jesus annunziau e propagau il program dallas beadadads. Ei seigi muossavias per ina societad humana pli pascheivla, pli sociala, pli gesta, solidarica e cartenta. «Oz astgein nus tedlar quels plaids da Jesus el-la 'catedrala' dalla scaffiziun divina», ha il plevon getg e cuntinuau: «En quei liug gartegia ei forsa meglier a nus da tedlar, cun s'imaginar l'atmosfera, sco ei fuva stau da lezzas uras cun Jesus sil cuolm, cun vesta viers il lag Genesaret. Leu haveva el proclamau las beadientschas.

In gentar offeriu

«Ins ha il sentiment ch'el tschiel sesbassa tochen tier nus e Jesus cumpara tuttenina ord igl uaul», ha sur Peter getg. Il tschiel blau sco arviul ha intimau ils parochians da tedlar e seschar inspirar. «Jeu sundel segirs che, sche mintgin da nus emprova da realisar las beadadads, nus astgein sentir dapli tschiel en nossa societad, tuttina sco nus astgein ussa sesentir maneivels dil tschiel en quella biala scaffiziun.» La messa ha il chor Vocalis Lumnezia embelliu culla «Missa Secunda» da Hans Leo Hassler. Suenter han ils varga 200 presents gudiu il gentar che la pleiv ha offeriu generusamein. *Linus* e *Flora Tomaschett*, ils grilladers sil plaz, han giu bia da far, las collaboraturas dalla pleiv havevan preparau salatta da truffels ed autras, dessert e caffè han secapescha buca muncau. Sco Marco Sgier ha confirmau vul la pleiv cuntinuar cun quella purschida, la messa alpestra digl onn proxim ei gia planisada.